

TULAFONO TAU FAAOFI O TEUTEUGA O LE TULAFONO O LE PULEGA O TUPE A LE MALO 2019

SAMOA

Faamatalaga e Faamalamalama ai

1.0 Sini ma mafuaaga:

- 1.1 Ua talosagaina e le Tulafono Tau Faaofi le teuteuina o le Tulafono o le Pulega o Tupe a le Malo 2001 (Tulafono) ma ia faamamaluina ai le FK (19)22, na sainia i le aso 22 o Iuni 2019.
- 1.2 O sini o le Tulafono Tau Faaofi e faapea:
 - (a) ia suia le faatulagaga o sui e aofia ai i le Komiti Faatino o Tupe Maua a le Atunuu i lalo o le Tulafono e ala i le aofia ai o le Peresetene o le Faalapotopotoga a le Aufaipisinisi ma Alamanuia o Samoa e avea ma se tasi o ona sui; ma
 - (b) ia faamanino ai e faapea, i le toesea ai o se sui auai, o lē o le a avea ma ona sui o se tasi mai le vaega tau pulega.

Fuaiupu:

Fuaiupu 1: - ua aiaia ai mo le igoa puupuu ma le amataga.

Fuaiupu 2: - ua teuteu ai le fuaiupu 34 o le Tulafono e ala i le suia o faafuaiupu (2) ma le (4) o i ai nei, ina ia faamanino atili ai sini autu o le Tulafono Tau Faaofi e pei ona faamanino atu i totonu o le parakalafa 1.2 i luga, o lona uiga ia aofia ai le Peresetene o le Faalapotopotoga a le Aufaipisinisi ma Alamanuia o Samoa e avea ma se tasi o ona sui auai, ma i le toesea ai o se tasi o ona sui, o lē o le a avea ma ona sui e ao ona filifilia mai se tasi i le vaega tau pulega.

A handwritten signature in black ink, consisting of a stylized capital letter 'L' with a small flourish at the end.

(Hon SILI Epa Tuioti)

MINISITA O TUPE

**TULAFONO TAU FAAOFI O TEUTEUGA O LE
TULAFONO O LE PULEGA O TUPE A LE MALO 2019**

SAMOA

Faatulagaina o Aiaiga

1. Igoa puupuu ma le amataga
2. Ua teuteuina le fuaiupu 34

2019, Nu.

O SE TULAFONO TAU FAAOFI UA TAUA

O SE TULAFONO e teuteu ai le Tulafono o le Pulega o Tupe a le Malo 2001 (“Tulafono autu”).

UA FAIA e le Fono Aoao Faitulafono a Samoa i totonu o le Palemene ua potopoto e faapea:

1. Igoa puupuu ma le amataga:

- (1) E mafai ona taua leni Tulafono o le Tulafono o Teuteuga o le Tulafono o le Pulega o Tupe a le Malo 2019.
- (2) O leni Tulafono e amata faamamaluina i le aso e tuuina i ai le maliega a le O Le Ao o le Malo.

2. Ua teuteuina le fuaiupu 34:

Ua teuteuina le fuaiupu 34 o le Tulafono autu e faapea:

(a) mo le faafuaiupu (2), ia suia e faapea:

“(2) O le Komiti Faatino e aofia ai:

- (a) le Failautusi o Tupe po o le Ofisa Sili o Pulega o le Matagaluega o Tupe, e avea ma Taitaifono; ma
- (b) le Loia Sili; ma
- (c) le Ofisa Sili o Pulega o le Matagaluega o Tiute ma Tupe Maua; ma
- (d) le Ofisa Sili o Pulega o le Matagaluega o Pisinisi, Alamanuia ma Leipa; ma
- (e) le Peresetene o le Faalapotopotoga a le Aufaipisinisi ma Alamanuia o Samoa ua Tuufaatasia.”;

(b) mo le faafuaiupu (4), ia suia e faapea:

“(4) I le toesea ai mai so o se fonotaga o so o se sui o le Komiti Faatino, e mafai e lea sui auai ona faatagaina se tagata ofisa mai le vaega tau pulega e auai e avea ma ona sui i lona toesea ai.”.
